

章

泉

豪



章泉稿卷四

宋

趙

蕃

巽

五言絕句

賦劉子澄巖莊

勤力漢疏傳遺安龐德公公家業異此衰盛國應同  
揚步

竟日人行絕惟聞鳥語多忽逢樵婦斧更聽牧兒歌

洞庭秋月

平湖萬里寬秋月一天白隱隱岳陽樓有人自橫笛

平沙落鴈

叢叢水邊蘆鴈鴈灘頭泊我不解丹青小詩亦可貌  
靜春堂

游子如蜂蝶紛紛詎識春先生靜中觀物物寓吾仁  
辨漆

面上清如水牽絲作釣鉤撥開鷹糞脚打起有浮漚

驗漆

好漆清如鏡懸絲似釣鉤撼動虎斑色打著有浮漚

愛山堂

朝從日掛鉦暮至月吐璧坐得少文圖不資康樂屐

江天暮雪

超絕柳州句麤疎鄭谷詩扁舟釣臺下曾見雪初時

六言絕句

送劉公求還廬陵兼屬張元亨五首

世有封胡羯末非無觸目琳琅何似君家兄弟睥然面  
背難藏

中壘西京儒士魏唐變作文章源委祇今安在蕭灘灘  
水深長

得見雖能數日晤言每恨匆匆曷日竹齋重過更期汗  
簡同功

雪後梅增炯炯風前柳政徐徐道上有詩堪寫人回不  
用空書

張子雖習舊識近來乃讀新篇寄謝青原白鷺何當共  
刺江船

衡山道中遇雪四首

汎汎嚴陵艇子蕭蕭衡嶽籃輿絕歎長年作客重逢此  
歲將除

驟落真成點綴旋風已復模糊莫擬丹青圖畫且看造  
物工夫  
老樹才能半白遠山已沒全青勝踐頗思朋盍獨行定  
誰汝令  
急雪幾欲塞路奔流更逢絕杭慘慘不堪龜折踈踈况  
度羊腸

留衢州寄王彥博周欽止徐審知三首

漫道詩能陶冶絕知酒可浮沉行值田間積淖住逢溪  
上愁陰

音身和  
卷四  
三  
風前柳欲千尺雨後梅纔一斑邂逅紛紛桃李飄零在  
在溪山

風日端可舉酒溪山盡堪賦詩有懷爾山中友應念我  
天之涯

七言絕句

謁顏范祠三首

處士當年配水仙范公亦儼客星懸誰知舊日番君國  
颯爽英姿蓋九賢

義氣常於翰墨看凜然今日拜衣冠去年已失臨川郡

及爾能來愧始安

爲政當知政所先政先孰愈祀先賢可憐顏范祠堂下  
草蔓不鋤堦甃穿

懷玉山舊游寄王彥博徐審知四首

南山白塔高何許弄日摩穹相與曾放謔直下清溪去  
落日半銜漁木燈

何人作亭山半道頗解發舒山掩藏幾度攜筇挽君去  
月高人寂尚繩牀

下湖堤上青青柳曾爲行人繫馬鞍落魄還成一春事

料應飛絮也漫漫

王郎家近石田溪  
溪上行人古路迷  
王郎家居了無事  
自溝溪水灌蔬畦

己亥十月送成父弟挈兩房幼累歸玉山五首

已辦知津送去舟  
重臨快閣亦悠悠  
黃知橘柚江行好  
此去況經龍霧洲

去歲歸營邱嫂葬  
今年那復以家行  
挽鬚無用祇嗔喝  
念我只兒同短檠

造物知君時欲進  
江山佳處遣頻回  
霜風日夜催搖落

面目端須見本來

誤身何必歎儒冠  
粗糲須甘苜蓿盤  
瓜地可耕歸獨負  
未應真坐縛微官

十月江行多北風  
打頭不用怨天公  
清音堂下換船處  
想見掛帆灘已空

在伯教授爲考試之行  
不知其地漫成五詩送之  
雨後翛然遂欲秋  
登臨正爾要詩流  
君行端復何所往  
但道東之一舸遊

已孤萬古中秋月  
爲約黃花九日杯  
但得交情常舊雨

不辭尊酒理新醅

君行不到武昌下別駕西京劉更生但想新知作傾倒  
莫聞高論吐崢嶸

平生未識荊州牧詩卷記評王進之鈴閣縱談詢保社  
幸無過語恐遭嗤

峽州使君我所親書去猶新報未聞此士如今爲第一  
見之煩爲致慇懃

寄韓仲止主簿四首

舊來絕歎茶山竹今日重悲南澗泉儒雅風流真不愧

兩賢真可作三賢

海內知名長少公在今誰復可同風可憐籍湜今頭白  
空復掛名家集中

介室於余亦外家二年朝夕向長沙聞君往會臨川葬  
我不及前空歎嗟

病卧淒然寂寞濱旣親且故幾何人如君父子風流似  
寧復可疎當可親

有懷成父

雪裏同登我有詩可憐同去阻同歸扶疎夏木渾如許

還想吾廬晝掩扉

有懷斯遠二首

沙如星射水流光憶著南山步石梁秋興日來知幾首  
可無南落鴈成行

塞郭衣冠匪乏人步能送我獨情真幾思覓句相料理  
風月溪山不易親

餘干登眺有懷二首

溪山得意竟忘歸歲月飄零兩鬢稀祇有徘徊與搜句  
老無筆力媿傳衣

溪山雖好政須人終日佺佺此水濱試並欄杆一回首  
祇餘鷗鳥似相親

在伯考試未歸有懷三首

木落山空君未歸我行江上幾依依山空木落有佳處  
政爾待君相發揮

相逢共問別來詩作計君能似我癡佳月中秋已無及  
菊花十月未爲遲

行路悠悠自有詩君行況乃暮秋時復萌鄙吝疎黃憲  
都盡利名親紫芝



道傍多慧苴菊花有感

菊花粲粲懷元亮  
慧苴纍纍念伏波  
莫歎讒人未投畀  
祇須濁酒到無何

至邑有感二首

朱絃昔日被譟聲  
歲月頻更感易生  
唯有錦江橋下水  
相逢不改舊時清  
老稚歡呼南北街  
爭看前日令君來  
看花不比元都觀  
盡是當時手自栽

登縣樓有感二首

一水中分南北市  
插天蒙朶有佳山  
太平官府元無事  
聊放蓑翁一日閒  
見說南樓秋氣多  
夜涼槐竹影婆娑  
滿樓風月成辜負  
奈此青州從事何

送何叔信三首

幾年惆悵荔枝紅  
婦薦孫孳壽媪翁  
我亦得歸無此樂  
弟兄相對小燈籠  
情均骨肉謂堯民  
我輩相仍敢不敦  
越人可笑盟車笠  
四海要知皆弟昆

貴溪亦復謂三山去我水溪一水間舴艋篷籠不難買  
有時乘興泊鷗灣

送智門禪師便呈斯遠兄

寺後溪亭我所開春風應已長莓苔南州高士如臨賦  
爲把新詩寫寄來

送陳慶伯三首

衢信相望百里間從來疎濶若爲顏與君旣親亦有故  
他日當期數往還

聞道君行欲轉江江行此路不勝長雖然不患無歸遺

收拾江山一錦囊

君到江南梅正開折梅稱壽亦佳哉平安儻遇重湖便  
併把新詩寫寄來

送  
逸遠爲嫠女之行旣別後夜不能寐成六絕句追

正學堂堂呂紫微有孫端的爲傳衣祇今一派金華是  
戴路年來汝所依

體能中格號時文能料科場可策勲此外更資爲學在  
木須根立乃凌雲

茲行爲謝時衡嶽併與傳聲呂法曹汝解事賢其自勉  
我因求友不妨高

去歲諸公祖敬之我曾同席共委蛇相逢儻復蒙相問  
爲道東歸鬢益絲

我歸猶爾未還家送汝令人重嘆嗟送汝嘆嗟猶自可  
最思阿慶語伊啞

慶會隨其母留外家

歲事將窮老所悲念將留汝亦奚爲新年事業能增進  
絕勝衰殘守舊詩

重送處州斯遠三首

登臨長病獨成吟連璧相依照映深寄謝青山無偃蹇

好聽絕唱亂清音

萬木蒼蒼古釣臺白雲樓觀隔溪開賦成赤壁後無對

好與驅從筆下來

文字投盟不計官古人能爾在今難使君於此自爲德

我輩因留後代看

送曾嗜英持胡端殿書謁張袁州四首

是家風節在峨岷仍見諸孫文字貧聞道江南有蜀士

不辭犇走犯蕭晨

曾之祖南夫嘗使蜀

君知龍門不易陟頗欲乞書南郡胡一幅斜行半年得  
費君趼足幾工夫

袁州張侯吾所聞政事不減大馮君如云已召符節令  
行矣君其無憚勤

我聞諸侯一朝享可作寒士終年儲張家衣被及四海  
不但一州歎袴襦

送劉克昌文顯二首

驛使相看合寄梅日邊消息幾時回平生所積故已厚  
九萬不須風更培

柳暗知津君送我江臨快閣我辭君君行過我南山塔  
爲道長懷日暮雲

從禮折花攜具見過且賦二詩

出門政覺病軀難已分春風負牡丹送花載酒能俱至  
媿爾交情殊未闕

花好千金未當價只宜屏隱繡芙蓉調笑頗似年少日  
妄心今已退重重

從鄭秀才覓菊二首

好事風流有鄭莊買園栽菊待重陽儻能憐我耽佳句

爲遣秋根到草堂

謾從僧舍移甘菊青蘂重陽摘未堪徑欲過君籬下看  
二兒端可爲輿籃

賦道傍菊六首

園亭種菊只須多名實相求半已訛紫蔓弱莖真此物  
顧埋林莽雜蓬窠

世無元亮亦無詩菊也淒涼孰汝知問我無詩寧愛菊  
落英聞道可充飢

山行漸欲墮荆榛夾道黃花獨爾新野外籬邊非失所

尚能寒眼動詩人

三逕雖荒菊尚存江東書到每傷神七盤八疊辰州路  
賴而相看作故人

日和猶有采花蜂日冷淒然難爲容不以無人廢芳事  
政應蘭蕙與同宗

黃菊花中黃蝶飛似憐節晚悵餘暉春風桃李明年事  
十月清霜何處歸

道傍菊有感

昔日曾升君子堂祇今蕭艾與俱長可憐冷蝶無時態

盡日伶俜爲汝忙

道店菊

種花本欲娛行客客子逢花特地悲  
忽忽重陽今半月依然青藥網蛛絲

招仲威不至反辱惠梨

屢廢招呼定可人豈嫌昏暮叩門頻  
不來醉我傾家釀反更分渠旬坐珍

食枸杞

誰道春風未發生杞苗試摘已堪羹  
莫將口腹爲人累

竹瘦殊勝豕腹亨

倪秀才惠橄欖二首

故憐枉作近南官南果何曾上客盤  
橄欖忽來蕉作裹欣然却作近鄉看

直道堪嗟故不容更持諫果欲誰從  
昏昏度日惟貪睡茗椀聊充午後供

以山藥茶送沈宜之兄

山藥本爲林下享筠籃那得致兵厨  
傳擔雲月併持與長夜讀書應所須

以湖州酥秀州木犀面油太和石本觀音像送莫  
萬安三首

蟻浮猶臘要酥同長恨中州信不通忽得吳中所持寄  
急令分減報鄉風

天教桂棹擅秋分只道非秋無復存底事蘭開梅落際  
忽於膏飾見追魂

涪翁昔作白下宰遺墨到今多屢書盡說補陀存相好  
更傳雷火護持餘

俗傳此碑常爲  
暴雷擊而不壞

謝彭沅陵送猫

怪來米盡鼠忘遷嚼齧侵尋到簡編珍重令君憐此意  
不勞魚聘乞銜蟬

送蕨與成父

道人惠我南山蕨頗帶齋廚法醬香聞道城中少蔬供  
急令健步走傾筐

初寒無衾買紙被以紆急作四絕

平生結得情生緣覓句抄書日費捐只有夜窓宜斲舍  
也煩包裹伴幽眠

瑟縮從渠體尚生不妨欹擁度天明書生活計能消底

太息牛衣王仲卿

度夕陰風吹屣屨布衾如鐵念嬌兒夜來例拜奇溫賜  
但覺安眠曉不知

識字誰令勝爛奚自應無褐更無衣宵安亦念明朝計  
兒報屋檐生早暉

閻伯善以孟東野集見惠二首

文字何關達與窮

孟詩云爾

恨君一尉已龍鍾過君舊邑求

君集行橐蕭然足慰儂

幾度相從酌酒深向來相識未如今臨分念我亦窮者

乞與郊詩俾細吟

小釀告熟童子索覆瓶紙拆舊藁與之

太元適足覆醬瓶舊藁乃獲填酒尊從來事有幸不幸  
一笑掀髯誰與論

讀謝幼槃集二首

茗椀不能驅睡魔漫攜詩冊向庭柯世人祇愛高官職  
孰與公家兄弟過

自汲清泉除硯垢樹陰微息晚涼初箇中得意誰知我  
筆下忘言我羨渠



題船子和尚圖

縱有絲綸不暇施癡魚吞月自驚疑  
旁觀莫作風波想比著人間未是危

自桃川至辰州絕句四十有二

襄子灘頭百丈牽此其小小大猶前命  
輕人鮓曾聞說楚蜀懸知險並然

過了磯頭尚有漳長江萬里此爲稀  
悵予何可數乘此宜爾山禽頻勸歸

上得磯來勢已危忽然纜斷不能支  
驚心釣渚河邊石

值爾應當應手糜

釣石疑爲借石低月岩穿石兩空梯  
逃虛尙說聞人喜沉此依然面目迷

草屋竹門江岸旁三三兩兩競攜將  
爾曹應道宦游好不念西來道阻長

夷望山前幾釣篷不惟能雨又能風  
吾舟故作魏王瓠愛此汭河敏似鴻

曉雨濛濛山欲空少晴還覺練搖風  
扁舟十日夫何事只有看山不負公

水勢才收一丈餘  
曉來雷雨又何如  
天民天卹應堪恃  
我自多憂雪滿梳

山鳥初鳴鹿度灘  
少焉還叫火炎山  
僕夫告我爲晴候  
穴雨巢風不可刪

試手灘頭水亂流  
鐵鎗崖下晚維舟  
兩階舞羽方閒暇  
何事茲名有佩牛

灑灑瞿唐昔未行  
狼頭鹿角舊聞名  
辰州甕子灘頭路  
夷險不知誰弟兄

明月山前明月池  
兩崖壁立類磨治  
沿溪未識應相似

好刻中興第二碑

巨壁撐空不可干  
小山亦復四巒旣  
旣言水後渾無石  
不爾應當行路難

一篙真可百灘空  
贛水辰溪大畧同  
我乃漲餘方逆上  
終朝歌笑媿篙工

誰道蠻州異故園  
夏來草木亦蒼然  
扶疏遶屋平生句  
有媿青山啼杜鵑

風頭日日望西南  
雨脚懸知不與參  
昨夜北風今日冷  
又驚數點落甍甍

患難嗟予已素行今朝灘裏挽仍撐心乎詎敢懷尤怨  
命爾何能計死生

無策資身每自嗤始謀不善悔何追行乎患難寧今日  
何暇更論淹速期

飛流濺沫瀑爭礮電激雷驚江落洪盡日喧喧不能息  
誦書妨我課兒童

望極千山不見村忽逢三兩僅崖根幾年生聚才如此  
信是荒寒不足論

美玉曾聞種得生精金此地亦陶成不知造物須生此

何似嘉禾令土平

灘裏驚濤怖殺人潭中淨綠數浮鱗如何咫尺能懸隔  
物外區中信莫倫

雨墮初看珠顆圓風來忽散穀絲牽青山四合江如瀉  
憶著桐江江上船

脫粟粗供朝暮餐也求魚菜強充盤魚今絕市菜無有  
欲問居人啖馬蘭

摘得青梅江岸邊兒童競食也堪憐山青指問紅何樣  
說是石榴花欲然

不但投林雀鬧枝沙禽水宿亦爭涯不然故欲相呼喚  
恨我形單影自隨

一月山行意未厭晚晴仍對雨纖纖回思浪湧壽翻際  
寧有于今安且恬

新綠深深嫩更黃非花非草定何香故山草木皆余愛  
最愛抽梢竹過墻

性有耽山且畫看陰晴朝暮若能殫天公似病詩材窄  
乞與西來眼界寬

細雨冥冥梅欲黃故憐時節似江鄉有書不讀高成束

蒸敗蠹侵誰與防

雨來山色暗成愁雨後波光翠欲浮山色水光元自好  
官情羈思苦悠悠

一春多雨夏當慳今歲還防似去年玉歷檢來知小滿  
又愁陰久礙蠶眠

山禽嘲哢意都迷滑滑仍愁叫竹雞側帽歷聽如有感  
數聲何處轉黃鸝

前有天隨後老坡杞糧仍欲壽西河吾今何意更思此  
但喜杯羹風味多

咫尺青山曉未分  
旋開還吐尚紛紛  
烟雲變態有如此  
安得斯奇付大文

昨日江清可濯纓  
今朝潢潦忽能盈  
發洪想有山崩處  
一雨安能作許生

坐對蒼然暮色侵  
忽驚螢燭度枝深  
少年嗜學猶餘志  
安得茅檐把卷臨

江漲皆云牽路漫  
又云江漲苦無灘  
割晴耕雨難均得  
造物於茲良亦難

安流倏忽起犇湍  
非雨非風勢使然  
盡道川流能險惡

不知世有險於川

返照入江雷般然  
直疑飛雨墮談間  
不知吹落何方去

突兀但餘雲湧山

大麥雖黃草與長  
趁春只用野生桑  
爲生可歎微如是  
應坐人稀地方荒

牂牁何處莫窮源  
萬折千磯劇迅奔  
寸寸上來良亦苦  
不知斷却幾番魂

望金華山絕句四首

山青雲白晚能佳  
中有仙人舊隱家  
彈壓政須煩健筆

頡頏誰與佩飛霞

雲帶雲開山祗然畫無能事著詩傳扁舟盡日無多厭  
信手拈來亦漫編

一溪屈曲幾彎環贏得金華四面看雨黛欲收晴翠滴  
忽然雲起又漫漫

九陌紛紛翳吾目是間冰熨一塵無十日五日一水石  
造次著詩那得摹

遊東湖題盧石

雲中不改蒼蒼色春後寧同濯濯姿欲爲渠儂下轉語

筆無潮力強題詩

謁仰山祠

欲知正直不余欺請禱應聞韓退之旱昔不災今病雨  
我雖非職敢陳詩

西湖雪後

行到湖邊却筍輿眼中渾似畫屏紆梅花又作臨風笑  
亦有高人似舊無

德雨堂二首

竹徑參差人不知窈然終日坐題詩我來欲去仍遺恨

不見蕭蕭風雨時

曾見宗公及可公自應詩句有家風不因避疾小盤礴  
那得清談半日同

題新宮

到處江山非不佳不歸佛屋卽仙家南山自好不歸去  
落魄賦詩天一涯

題舊宮

新宮改作幾何年像設于今尚儼然薜荔綠垂山木槁  
長春開盡草芊芊

晚過彥真山亭并呈允升季儀兼屬照鄰二首

隔岸看山自足佳背山仍有碧雲遮我來政值峻嶒際  
卻恨林端已暮鴉

寤寐詩名歲月過日來方喜和羊何秋風奈我當歸去  
湘水湘山餘恨多

經孺子亭觀

寒泉百尺幾秋春祠禱流傳信若神何事古先殊昧此  
爲霖顧取築巖人

城下道中二首

瓦室人家茅屋邊  
瓦困亦與草困連  
池塘過雨尚浮濁  
楊柳新栽已帶烟

溪上橋危亭亦高  
柳陰直下有魚舠  
夜來雨足洪初漲  
突岸衝磯聲怒號

正月二十二日晚過遠父

籬落桃花小破紅  
野田細雨又微風  
莫嗔款段行難進  
正要尋詩漠漠中

丁卯除夕寓瀘南獨坐舟中有感去歲此夕

米倉山寨雪連雲  
不見椒盤見賊塵  
今日江城聞爆竹

莫嫌杯酒不沾唇

宿清都觀

涪翁逍遙果安在  
玉局清都今何如  
遺蹤羽化不可問  
朗誦二詩行遶除

遊思庵

路落林灣得小庵  
軒窗都在萬松間  
茲遊不爲尋僧至  
更擬緣雲度一山

永和道中懷成父

風帆十幅空百灘  
布衾高卧寧知寒  
連明風雨曉增劇



章身和  
歎我山行逢路難

宿應庵次季承韻

祇思借榻尋僧屋不悟山行亦已深  
異日重來應記路斷塍窮處轉松林

午過無錫明日五更到平江門外

百里風帆日未中  
惠山紫翠忽重重  
姑蘇城外楓橋寺  
夜半已過聞曉鐘

常山道中二首

桃李成陰麥有花  
筍輿伊啞我還家  
謬恭莫望臨邛令

雨後東陵宜種瓜

烟雨濛濛鷄犬聲  
道長人寂掩柴荆  
漫山桃李渾無數  
歸近何妨細作程

將至溧陽示宗父

玉聚梅花殊未開  
不妨烟雨雪飛來  
僕夫怪我行何速  
要趁佳時同一杯

再來江下示成父

七郎堂下渡船開  
豈料今晨又再來  
吳水越山看未足  
未妨兄弟與銜杯

宿桐溪灣

近山慘澹連深塢遠水蒼茫接暮雲語似篙師徐繫纜  
莫教驚動白鷗羣

謁雷潭寺韓文公祠

使君令尹各能文政亦及民俱好春考廢祠賢端有以  
後人當復嗣前塵

孤鴈三首

孤鴈哀哀叫曉霜客衾如水待天光不緣杜宇催歸去  
未信寒猿解斷腸

孤鴈哀哀叫晚雲半年為客歎離羣丁東幽佩別來久  
斷續清砧遠不聞

孤鴈哀哀叫晚洲水長山遠政悠悠凶年未必稻梁足  
巧中更防羅繳憂

孫季章無愧鄭季奕徐斯遠以僕留智門門載酒見  
過坐中雪作三詩

出山已與曉寒衝下馬頻欣束縵逢已見南山行更鈍  
到時山寺已昏鐘

明知喜我出山來占此僧窻共酒杯重愧子雲孤好事

絕勝安道不空回

黃公亭上雪飛時去歲相同此賦詩邂逅出山還雪作  
端如來赴去年期

正月九日微雪二首

霰雪纖纖晚倍寒梅花清瘦不禁看小園準擬尋詩去  
少待侵苔屐齒乾

小雨因風凍作花冰梢爭競出槎牙攜筇偶作巡簷去  
徙倚微吟低帽紗

臘月十九日飲于周氏無盡藏雪作

卯飲君家江上樓坐中風雪暗前洲世間贈繳無空巧  
我自歸心沒白鷗

懷明叔

江天買得總輪君我亦當年作記人珍重平生一杯酒  
又孤洲渚綠生春

題新市酒家

有魚可漉酒可沽爾更未知山水娛今晨繫纜才須臾  
異日回頭看畫圖

蠶婦

火蠶較早冷蠶遲晏飯忘眠敢歎疲  
燥車響罷促機杼  
蓋體到頭無一絲

對月贈答二首

閨中月是天涯月照妾遙知亦照君  
月解令人千里共  
人能似月兩頭分

焚香拜月君懷我對月停杯我憶君  
莫羨月圓圓又缺  
會看人合合無分

中夜聞鴈

夜闌羣動久已息胡獨決起飛仍號  
江湖雖寬矰繳在

幸勿中機漁獵曹

懷和印

古寺僧容客寓居客行仍許借藏書  
老無眼力書慵看  
憶著竹根泉漱渠

九日懷在伯

雨過中秋明月時病孤九日菊花期  
絕憐佳處有如此  
亦勸斯人共和之

唐興寺懷孟東野

薔薇雖是後人栽一度春風一度開  
絕憐東野歸何處

無復花前把酒來

十五夜看月

碧天湧出爛銀盤  
萬里顛風落樹端  
懶復持杯向渠問  
徑思飛步躡翔鸞

月二首

萬頃蒼波月一鉤  
鷺鷥棲穩雁悠悠  
老夫於此興不淺  
無奈凜平何可留

水鳥飛鳴自往還  
蒼然暝色暗林巒  
離家又見磨鎌月  
九月誰憐絺綌寒

對李花懷斯遠併屬無愧季奕

桃花未發李生花  
裝點林居亦自佳  
但恨無人領張徹  
乘雲共到玉川家

驟雨記所見

翠篠蕭騷入屋寒  
歛驚平地起風湍  
駟除飢雀低飛去  
弱羽毳毳似畏彈

往時

往時聽說嚴州水  
試向經行覓舊痕  
尚有浮槎棲古木  
可憐萬壑勢并吞

與慶伯廣聲別後有懷二首

清虛亭上晚憑欄  
正我扁舟墮嶮巖  
舉酒縱君能酌我  
未聞流水有西還  
萬壑方爭洶洶來  
扁舟寸上亦難哉  
晚晴只有山堪看  
望極還憂遠思哀

晚過劉伯山

晚向窮岡訪竹亭  
竹間忽有打禾聲  
凶年獨使詩人飽  
可見天公非世情

夜過王兆明

門外春風吹倒人  
過門寧惜滯車輪  
君能歎我杯中物  
我亦揮君壁上塵

悶坐二首

天氣欲陰還欲晴  
病多愁絕兩關情  
梅花已是飄零盡  
底事春風恨未平

天氣欲晴還欲陰  
強扶頭起更岑岑  
睡魔欲遣茶料理  
政恐蔬腸不易禁

二十夜起對月懷斯遠成父三首

雨落餘雷風罷狂  
二更江月照蒼涼  
篷窗白髮醒無寐

感此蟲鳴草岸旁

蟲鳴切切故關聽重感跳丸去不停不足有餘空歲計  
書來吾友媿丁寧

昨朝執熱扇慵揮今夕涼生寢益衣想見山房聽風竹  
悵余何日定成歸

懷斯遠成父二首

徐郎已渡浙江潮王子還從折簡招平日往還惟二士  
去余何以慰無聊

春風吹雨晝成昏蕭寺蕭條早閉門坐久行人更蕭瑟

定傾老酒向何村

次韻斯遠去秋八月十三日午睡既醒登山遠望

見懷二首

驅去復來仍此都豈惟人誚鬼揶揄顧防未免懼矰繳  
卻使高人賦鴈奴

數行書裏兩章詩坐誦行哦晝屢移賦當疎雨梧桐日  
題就扶疎夏木時

舟行遇雪二首

老樹槎牙凍不枯雪花初集更敷腴懸崖斗峻人踪絕

漠漠荒祠落社烏

沙觜縈分直更紆望中不盡渺愁予晚來一雨便成雪  
翠巘脩林同一如

聞李處州亡

時時聞說故人死日日自悲垂老身白髮不生應不得  
青山長在屬何人

哀文鼎三首

晦日書來四月收報余新失趙湖州祇令交友如渠幾  
一展來書一淚流

海內忘形獨漢中幾回日暮憶江東不惟吾子傷形影  
我亦交遊不太窮

頻年哭友不勝哀不待年侵老自來未保此身長健在  
與君茅屋臥蒼苔

梅花十絕句

疎籬半倒竹脩脩下有冰泉斷復流此地著梅故差勝  
杖藜何惜屢經邱  
寒雀蕭蕭凍不喧背人緣底過頽垣似矜玉粒堪充飽  
啄破霜包無迺冤



章身和 卷四  
斷崖修竹是吾廬亦有梅花手自鋤歲晚平安久无報  
不知春到又何如

風月懸知非俗物與梅相對却成三是中故有无窮意  
曲几團蒲須細參

桃李紛紛倚市門豈知幽谷有佳人莫嗟玉立終无偶  
人物誰知温太真

江上人家烟雨間意行曾憶犯榛菅祇今冷落人誰問  
輸與白鷗相對閒

雨薄梅花似有情定應憐我太飢生不同玉屑和朝露

且效夕餐收落英

十里荆溪溪上梅故人幾日寄詩來相應載酒裴回次

憶我去年同此杯

謂子進  
昆仲

梅花佳處是孤影月落參橫真見之幾欲煩詩爲模寫  
却愁才盡不能支

松風亭下盛開時曾辱蘇仙與賦詩今日折花懷此老  
端如嗅菊念東籬

梅花絕句五首要明叔仲威同作

起步寒梢百尺長驟驚觸目盡琳琅直疑霜月能爲幻

作意檻之還有香

誰能當此風霜面政要渠儂鐵石心我亦苦吟嗟不足  
願從千古覓遺音

木犀猶假菊爲裳蘭也仍須紫作章不似梅花最高潔  
溫然全是玉之良

傍觀怪我底多病不耐俗塵來敗人故人寄我山中信  
竹攸歲寒梅告春

陳君胸中殊不羸胡子懼甚吾則腴梅花佳處我不識  
付與二妙煩追摹

臣馬啟泰恭校

章泉稿卷五

宋

趙蕃

撰

撰

記

截留綱運記

鉛之阜寶藏興焉鉛之泉寶貨化焉興者有時化者無窮方泉之蒙孰知其功布衣張甲體物索理獻言以佐國法宋紹聖間詔經理之隄泉為池疏池為溝布鐵其中期以浹旬鐵化為銅場兵千夫服勞力作糗糧惟邑之供冶臺歲運江淮湖廣之鐵泛彭蠡遡番水道香谿

而東歲計所用銅取諸鉛之泉者幾半初額爲斤十有三萬其後加之一倍晝作不建繼以夜工率一夫而食二人之食邑計供億迺不充令告匱無所懦者束手以罔措健者取給於鑿空同底于戾卒不克終時嘉定九年郡守諸臺合辭上奏請歲留綱解米爲斛千有六百以補之猶不足也越十有三載董餉計者視故籍復責輸焉章君謙亨來宰民社嘆曰場兵戍兵均兵也彼當餉此不當餉耶告于郡郡太守陳公章力請于餉臺總郎戴公桷慨然許之達之於朝廷於是有所割下餉臺州

家歲留之米遂爲鉛邑永久之利矣章泉趙蕃聞之喜諭于衆曰仁之取數多然一事皆是觀仁用其力而不足其食非仁也彼此不相通上下不相恤非仁也縣家不爲苟免必欲取諸經常而不忍他日重以困吾民令尹之仁也州家不以爲無與吾事而不忍他日重以困吾縣使君之仁也董餉者不私於戍兵而推其食以補不給王人之仁也吾於是一舉而得三仁焉後之人苟有易此者其肯自居於不仁哉嗚呼上下一體小大一心何事不行何功不成夫米給銅課登鼓鑄羨園泉衍

惠利周於四海是則輔成夫聖朝仁政之一端也其可無以詔方來耶迺屬香溪潛夫秉筆書之而俾鑱諸石

重脩廣信郡學記

衡湘陶侯崇自將作少監兼崇政殿說書補外得信州以寶慶丙戌八月二十八日視印謁學歎其敝陋欲更新之慨然捐錢三百萬爲之費謂教授李直介曰是不可以溷君乃命兼贍軍酒庫楊均董其役未幾而侯亡權州事通判陳侯夢建捐錢六十萬續其費轉運使邱侯壽邁聞之亦以錢十萬來知上饒陶木知鉛山史夏

卿及諸生有請于教授亦各有助越明年四月天台陳侯章自毗陵易守下車首以未畢工爲念復助錢二十萬遂以八月旦日落成舊時諸生之舍必由夫子殿前憧憧往來弗肅爲甚今別以廊且繪從祀于其上規模大畧擬國學焉于是視昔加嚴矣惟祀典之外旣祠周張二程四先生矣今又祠朱呂二陸四先生如魯國陳公玉山汪公昔亦有祠是皆一代師法百年文獻諸生誦於斯習於斯朝夕俯仰于斯其慕用當何如哉端平二年趙侯與懃郡政旣修迺及學政一新教養剗除宿

蠹選招儒先以為領袖于是嘉熙鄉舉學校之得人最

盛南宮奏名登第百尤多于昔

添差通判何處恬記曰信之有學其來尚矣上

饒志謂創于景德二年廟貌雖嚴巽舍未修迨元豐增闢始有藏書之閣職教之廬肄業之室元祐再葺徙其門與清流秀峯對峙孔武仲周彥明記之悉矣端平初史侯彌志以學門頽圯徹而新之齋苟成而未備器僅有而多闕園迫于近學者病焉越明年寺丞趙侯與懃分符是邦下車未幾鋤疆梗蠲虐政治河梁新驛舍講武有所登眺有亭靡廢不興亦云盛矣侯曰未也此政爾非化也本之則無如之何于是一新教養剷除宿蠹捐金鳩工興修黌館命錄事江鏊董其役舊祠濂溪一程橫渠四先生于西序魯國陳公端明汪公于術業齋之左齋陳公肄業所也後合于一或燕服而立或端委而坐位置失倫侯命復二祠于舊加粉飾焉裨器之闕修室之弊曲欄橫檻煥然改觀厚直以市民產徙園以置

其所增餼廩以豐士膳選儒先以舊釋奠禮器循用聶師後學于是士習丕變儒風藹如

氏弊式嘉熙四年郡守蔡侯仲龍病之迺命學校考典

故依紹熙頒降朱文公申明制度而更造之仲秋上丁

教授張君洙一遵紹熙儀式而行事焉

聘君陳克齋先生記曰文公朱

先生初官同安因縣學釋奠嘗欲考籩豆簠簋之制登降跪起之節請諸朝而行之及守南康稟命于天子天子下之禮官禮官討論不詳而下之四方文公申乞改正天子曰俞文公移帥長沙有司為檢會行下長沙而有天大故不果編諸路今文公釋奠儀雖已梓流于世而天下郡縣學猶多襲故陋識者病之文公門人陳孔碩之分教括蒼也嘗以文公所申明者行之括蒼矣蔡侯仲龍括蒼人也俎豆之事聞之已熟及其位朝著則于太常又得夫同文同軌之所自出來收吾邦戾我芹泮制既不經器且苦窳甚非所以奉先聖乃捐緡錢準式

更造擇幕掾施君退翁董其事郡博士張君洙因與學者詳稽歷代之沿革而參訂焉益知文公之申明昭乎孝廟一朝之定制確乎萬世不易之正典煥舊而新籩豆以竹俎豆以木簋簠爵坫壘洗之屬悉以錫代銅聲明具審度數具精丁祭張君帥諸生舉文公釋奠儀而行事焉既正其器又正其禮祀事孔明洋洋在上若親周旋于杏壇之間張君謂余嘗受教于文公命之記文蔚竊惟先師文公于夫子之道終其身孳孳焉故于尊事夫子之禮終其身拳拳焉籩豆之事登降之文未爾所以歷考備述而不遺者非屑也理無精粗小子之灑掃應對有丁學上達之道存孩提之愛親敬兄有治國平天下之道寓釋奠之為禮也小子之灑掃應對云乎哉釋奠之為尊夫子也孩提之愛親敬兄云乎哉形而上為道形而下為器道外無器器外無道以天地萬物之理而立聲明度數之制器之用迺道之行即聲明度數之制以會天地萬物之理器之通乃道之悟體用一原在人默識因尊事夫子之禮而有得于夫子之道則下學上達治國平天下其全體大用當不誣于仰鑽瞻

忽聞矣是文公先生所望于後學之深意按教授林至之重新大成殿也先聖先師諸賢之位次冠冕服紱既一如頒降朱文公申明之制矣而籩豆簋簠之度登降跪起之文猶不如禮至蔡侯更製祭器而後籩豆簋簠之度正張君更定釋奠儀而後登降跪起之文正首尾垂五十年噫古禮之難復若是耶近歲以來大比終場幾六千卷名公鉅卿前後相望而來者方盛

淳祐初天子幸太學詔升五先生于從祀濂溪周先生曰汝南伯明

道程先生曰河南伯伊川程先生曰伊陽伯橫渠張先生曰郟伯晦庵朱先生曰徽國公前教授趙

君必矜既奉詔繪五先生于殿下兩廡矣而講堂西偏

先儒之祠猶存五先生舊繪像者所以寓尊慕之深意

也兩賢堂舊止祠魯國陳文正公端明汪玉山先生歲

且周甲子矣比增祠大參余公堯弼施公師黠謂其為郡之顯宦也因更名曰鄉賢堂繼又增祠忠愍鄭公驥謂其能捐軀而殉國也夷險兩塗而與魯國陳公事業相表裏六年冬眾謂舊祠隘得請于郡乃闢一室而遷之益以文昌韓公元吉存南渡之文獻示不忘中原也處士王公時敏聘君陳克齋先生文蔚亦與祠焉伊洛考亭之源流道之所存富貴功名又所不論且上以承聖主升五先生從祀之意下以啓後傳紹先聖先師道統之傳也 講堂 名成化堂兩旁安奉聖作之碑及御書孝經 稽古閣

上安奉御書

直舍 在稽古閣下

祭器庫書庫 在直舍東

學

舍 在直舍西

土地祠 在直舍西

錢庫 在講堂東

學厨 在東廊外

先

儒堂 在講堂西

鄉賢堂 在講堂西

東廊五齋 達善貫道與賢成德建德

西廊五齋 炳文明道術業明德志行

十齋之名舊多不同今齋碑多是陶少監崇所扁炳文齋舊名昭德又名輔文以教武

學七書義久已廢遂改今名 小學 小學之立其來

已久率為具文而已嘉定初教授顏師臯立為程度嚴

於訓導一時後進為之作興而大魁徐元杰詞科韓承

輩出然學無常所繼者不能常興今淳祐丙午郡守監



丞章公鑄留意作人郡博士張玘之請於直舍之東立  
 為小學撥設官田為小學莊而教法視前為加詳常請  
 講書一員提其綱逐月輪請經賦學諭各一員分任教  
 導早經次史次古文次時文講習之程為甚嚴云古者  
 通行於黨庠術序家塾之間而小學之教尤其所先務  
 小學在公宮南之左大學在郊其所從來尚矣廣信舊  
 有小學義方之家子弟來游薰陶既久穎異自見他日  
 奮身立名類能有大成就如首唱大庭獨步詞科表表  
 一世皆由此選也中間典學者非必咸有誨人不倦之  
 志或忽畧而廢罷之者無責爾矣修舊起廢間不乏人  
 靡不有初旋亦休止今廣文張君某以天台之秀來掌  
 學事其律已廉其奉職勤其待士愛而公嚴課試以勵  
 實才杜冗濫以省虛糜滌弊刷蠹以豐餼廩采芹詠歌  
 視昔有加尙恐遺才羅以混試其嘉惠大學者至矣誘

掖後進之心則未已也慨小學之久廢一日而謀復之  
 試選生徒至五十員命經賦輪月司講課規畫之力茲  
 惟難哉然昔之廢者幸今而復興今之興者安後日  
 之不廢於是為經久計以二年添給之合請于學帑者  
 悉借留為置田計其租入而別之以為贖小學者俸  
 札之費又慮生徒肄習之無定所而講授之無定位也  
 會郡侯章公監丞鑄尊禮學校一日親御書閣之摧圮  
 命葺而新之張君相地視宜於是閣之旁因得書庫舊  
 址白之侯以新小學之官委學職以董其成東西兩齋  
 曰果行曰育德為諸生肄習之也齋廳爐亭曰極高明  
 嚴講授者莅焉良材堅斲與工役費糜多用於積儲之  
 餘而非盡取辦於公帑其嘉惠小學者亦至矣列職友  
 朋泳張君之德以諭崇尚崇尚束髮游鄉校知其德與  
 為詳不敢以疎陋辭嘗深念古之教者莫謹於童蒙  
 而果行育德雖作聖之功不外此人之行莫大於孝孩  
 提之童無不知愛其親及其長也無不知敬其兄信夫  
 啓初筮之德玉少成之性於此最為切要誠使孝敬之  
 端不失於以知良能之始而性實日以開明天資日以  
 章良高

豁悟要其成也雖未能皆至聖賢之聞奧亦不失其善  
人君子之歸張君培植之功於是爲大景行前修者嘗  
從事於斯敢以爲職教者告云淳祐八年戊申一學糧  
二月某日浚儀趙崇清記郡人潁川鍾國秀書

錢一千六百六十八貫九百二十四文一學糧米穀共  
三千八十二石三斗五升學田舊額歲入止三百斛至  
乾道三年知州事趙師嚴撥下北莊乾道六年知州事  
洪遵又以靈溪莊贍學有翰林學士洪邁記紹熙五年  
知州事石畫問又以玉山縣靈湖南潭兩莊贍學舊有  
靈溪河溪一十四處歲入錢一千三百餘貫文知州事  
趙汝諧以其地非通行之地奏罷之未幾知州事季翔

續以上饒縣東門外官田入學淳熙五年提刑高公泗  
以貴溪縣桂鎬莊入學有省劄石刻淳熙十二年知州  
事鄭汝諧再撥下新收莊嘉泰二年知州事何潤再撥  
下青巖太平莊紹定元年知州事陳章再撥下宴望莊  
五年知州事吳旂再撥下黃柏莊六年知州事王伯大  
再撥下萬祥板橋兩莊淳祐三年提刑王瓚以費家田  
牒學承買七年知州事章鑄撥下永豐縣田及玉虹橋  
屋業并胡德權田產入學爲小學莊並有額在籍貢士  
莊嘉定九年前判府章監簿良朋籍永豐徐自強祝楠

并上饒趙龍圖等沒官田創貢士莊而隸于學命教授  
董其要擇諸生可任者爲司貢以治其凡別委郡糾掾  
眎其出納教授施應龍爲區畫積三年租課所入貯於  
庠廡以爲六邑賓興東上之贖凡預鄉貢及免舉并太  
學諸路漕宗子監舉其予免差若歲之上下不齊員之  
多寡不等則又眎其數而贏縮焉歲管早租二十八石  
四斗二升五合晚租一百八十二石七斗三升五合晚  
園池地四十一貫文有石刻文昌余鑄記

附錄

宋史本傳

趙蕃字昌父其先鄭州人建炎初曾大父暘以秘書少  
監出提點坑冶寓信州之玉山蕃以暘致仕恩補州文  
學調浮梁尉連江主簿皆不赴爲太和主簿受知於楊  
萬里調辰州司理參軍與郡守爭獄罷人以蕃爲直始  
蕃受學於劉清之清之守衡州乃求監安仁贍軍酒庫  
因以卒業至衡而清之罷蕃卽句祠從清之歸其後眞  
德秀書之國史曰蕃於師友之際蓋如此肯負國乎家  
居連書祠官之考者三十有一理宗卽位以太社令與

劉宰同召不拜特改奉議郎直秘閣又辭奉祠得致仕  
轉承議郎依前直秘閣卒年八十七蕃年五十猶問學  
于朱熹旣耄猶患末路之難命所居曰難齋蕃賦性寬  
平與人樂易而剛介不可奪丞相周必大與蕃契屢加  
引薦蕃竟不受宰之言曰文獻之家典刑之彥歸然獨  
存猶有以繫學者之望者蕃一人而已信州守吳旂乞  
錄其後詔其子遂補上州文學遂亦力辭又詔以承務  
郎致仕與一子恩澤景定三年秘閣修撰鄭協等請謚  
乃謚文節

劉宰撰墓表

粵自炎祚中興文物萃于東南厥初諸老先生師友淵  
源有以繫學者之望天下學者翕然而景從之閩湘江  
浙師道並建凡異時孔孟之所傳周程張邵之所講說  
之益詳炳然斯文萬世攸賴比年天不憖遺諸老淪謝  
文獻之家典刑之彥歸然獨存猶有以繫學者之望者  
章泉先生一人而已故先生雖退然不敢以師道自任  
而天下學者凡有一介之善片文隻字之長皆裹糧負  
笈就正函丈其限以地屈於力而不能至者詩筒書函

左右旁午往往以一酬酢爲榮及先生之歿而文獻典刑盡矣後生晚進欲求師友之益而俛俛然無所之矣可不爲大哀乎先生姓趙氏諱蕃字昌父其先自杭徙汴由汴而鄭南渡居信之玉山曾祖暘朝散大夫直龍圖閣提舉江州太平觀祖澤迪功郎海州朐山縣主簿賜承議郎父渙奉議郎通判沅州贈朝奉郎龍圖歿葬玉山之章泉先生因家焉故世號章泉先生用龍圖致仕恩入仕饒之浮梁尉福之連江簿皆不赴爲吉之太和簿辰之司理參軍最後監衡之安仁贍軍酒庫已至

未上而歸遂奉祠家居積祠庭之考至三十有三十今天子御極之元年歲己酉宰相以先生名聞有旨除太社令三辭不拜特改奉議郎直秘閣主管建昌軍仙都觀又三辭不允越三年差主管華州雲臺觀蓋先生自己酉至是歲辭官不獲屢上休致之請皆不允而先生請不已明年夏四月始得旨轉承議郎依前直秘閣致仕又閱月而先生逝矣紹定某年月日壽八十有七先生之在太和便坐有齋榜曰思隱蓋當筮仕之初已有山林之思在官清苦惟以賦詠自娛以是受知于吉之鄉

先生楊公萬里贈詩有云西昌主簿如禪僧日餐秋菊  
嚼春冰又云勸渠未要思舊隱且與西昌作好春其所  
以行之身加乎民者畧可想見及爲理掾辨獄之誣不  
爲二千石屈卒見是於當塗權酷位下特以少嘗從靜  
春先生劉公清之受學公時守衡故欲從之卒業甫至  
而劉以非罪去卽從之歸其謹於所職而篤於所事如  
此賦性寬平與人樂易而剛介亦不可奪故相周公必  
大與先生有州里之舊先生意有不可寄詩有公如在  
廊廟我亦遂簞瓢之句其後公在相位屢加薦引先生

竟不受自少喜作詩答書亦或以詩代援筆立成不經  
意而平淡有趣讀者以爲有陶靖節之風歲時賓友聚  
會尊酒從容浩歌長吟心融意適見者又以爲有浴沂  
詠歸氣象至于年垂知命自視歛然更往受學于文公  
朱先生旣耄矣猶虞末路之難命所居曰難齋則視昔  
賢啓手啓足而戰戰兢兢年踰九十而求箴儆于其國  
無異心也其能續諸老先生之後爲學者所歸豈偶然  
哉娶俞氏繼邢氏子五人遂遠遙遠遺遙遠先卒女四  
其婿俞椅周杲徐耘老徐禧孫男七人曾孫男六人皆

章泉和  
卷五  
好學葬用卒之年九月甲申地實永豐縣富城鄉之葉  
塢距章泉五里前葬學者爲詩爲文以誦歎先生之美  
者不可勝計其爲誄其爲銘又有名公巨卿在某寒鄉  
晚出于先生無能爲役而遂以七十翁不遠二千里來  
致先生垂沒之贈且謂某昔叨誤恩實玷先生後不應  
泊然忘言無以昭令德某義不得辭則姑取門人鄭夢  
協所狀先生行益以已所聞使歸表于先生墓上



臣馬啟泰恭校

程